

續修如臯縣志卷六

列傳

立德立功日星同煥去後甘棠翦伐敢慢斯愛斯傳續  
志名宦

名宦

左元鎮字樹堂河間人宰臯日嘗丈沙田捷於步算卽以  
弓復之不差尺寸儲家洋有私鑄者親率壯丁數人夜  
至其處盡獲之治以法霜甸有無賴子徐三攘奪甚恣  
公收之瘐死其餘他事片言已折剛果之性閭閻賴以  
安焉

王鳳翥字竹塢山東人署臯邑臨事果決頑民畏之然法

如臯縣續志

卷六

列傳名宦

一

依三宥薄懲無知蓋仁慈其本性也民亦不忍欺嘗斷  
典舖誣鄉民取物一事處決平允觀者頌其神明瓜代  
之期持香環道士民以萬計

姚澍字雨田揚州府歲貢學宗周張程朱秉鐸臯庠以崇  
實黜華爲已任日進諸生於庭示以身教俱有規矩準  
繩莫敢踰越每校文藝捐清俸爲優獎資愛士以誠尤  
卹寒畯喜見邑之端人正士孝子悌弟會亢旱爲民祈  
雨特於學廡設香案稽首中庭不避炎曦如是者數日  
居官五載洵有古名儒風著學庸講義四卷王勿庵督  
學爲之序越今二十餘載士林中思其遺愛猶稱頌之  
不置

魏聘年字野堂直隸通州人由諸生以四庫謄錄分發江南爲大吏所器重遂補臯邑典史蒞任日役以金獻公毅然曰爾金何自來予司督捕豈受爾金四境安枕是吾利也否則法不爾貸由是閭境肅然後卒於官貧不能歸葬城東門外

福壽號樸山漢軍正白旗人增廣生性豪邁健於爲文屢薦不售考授

實錄館收掌議叙補授豐利場鹽大使公正廉明剛方慈惠剔弊釐奸鹽政修舉范隄圯上其事於大吏請欵興修風雨駐隄上督役費省工堅甲於諸場農人賴之古豐素少科目爰相地建塔于文昌宮東偏每月出俸資勤

如臯縣續志

卷六

列傳名宦

二

考課暇則角藝較射文武登科者日衆道光壬辰歲飢設廠賑粥甲午游飢捐金鉅萬先後全活四萬餘人晝夜殫精鬚髮盡白費不敷常泣涕禱於神後怵於屢荒歲稔勸富民出稻穀四千石預備建倉爲平糶之需在任十七年官以爲家一夕無疾終停棺旅舍貧無所歸部民尸祝焉

鄭樵字械亭上海人生姿穎敏性和藹可親庚申科舉人選授如臯訓導與多士接惟以敦實行務實學爲本生平博覽羣書得精義卽錄于簡著述甚夥嗣丁艱歸卒于家今人士猶思風範焉